



ЛИСЕНЬДИ III-це КИЗОСЬ  
Мокиэрзянь ВЛКСМ-нь  
обкомть и Саранскаень  
горкомть газетасна

Адресс: г. Саранск, ул. Ленина 9  
Телефон № 1-72.

2  
ФЕВРАЛЬСТА  
1936 КИЗОНЯ  
13 (259) №

Лисеньди ковти 12-ксты

## Возглавляя- дамс инициативать

Малачни ся пингсь, мзярда Ленинской комсомольской историзонза прибавай танга фкя славнай страница—тя комсомольской 10-це с'ездон. Максеем пяк оцю исторической значение тя с'ездти, комсомольской и Советонь странань сембе од ломатне вишкста ушедсть аноклама тя величайшай событияти.

Большевиковь колмоце поколениась—юнай пионериясь тяфта жа аф лядонды шири тя с'ездти анокламаса. Постышев ялгать лемса Харьковской пионерской дворецонь пионерхне лифть пяк цебарь инициатива—эрь пионеры анокламса подарка эсь вожатайсон—комсомольсконь кемоньце с'ездонцы. Тя инициативать лувозь пяк цебареньди Советской Союзонь сембе пионер организациятне.

Минь Мокиэрзянь республикасонь пионерской организациясь тяфта жа оцю мальяса фатязя тя инициативать. Лама пионерской отрядт, кочкеем Харьковской пионерхнен сьормасон эстакига кярмошть с'ездти подаркань аноклама. „Комсомолонь вайгяль“ газетать редакциясь пионерхне кучсесты ни лама сьормат Саранскаень пионер отрядтнень эзда, Березникавонь районца и лияста, конатнень эса пионерхне азондазь кие кодама подарка аноклай с'ездти. Республиканской идень технической станциянь юнай техникне с'едти аноклайхть 300 движущай модельхть, Чамзинкань районь Атракционной НСШ-ста од техникне тяфта жа аноклайхть фсякай лаца казнят, Саранскаень 9-це № мокиэрзянь школаны сембе пионерхне аноклайхть казнят и ст. тов.

Видеста азомс инициатива—сь фатяф, но комсомольской о. инициатива и васендакига комсомолонь райкомтне аф возглавлядакшнесазь нингы тя инициативать (Рыбкинаса Торбеюса). Комсомолонь райкомтненьди эрвы таникига кярмодемс тя тевти, таникига сьавомс учетс снй районцост пионер организациять марха аноклави сембе казнятнень, эрвыхть инструктировандакшнемс тьянь колга пионер вожатайхнен.

Лама пионерской организациява пионерхне ни анокласть кой-кодама казнят. Эрвыхть таникига ванондомс нят аноклаф казнятне, сьормадомс снй колгаст печатсь, йотфнемс кустовой пионерской сборхт, коза тернемс пионерхнен тьярсон алясон и тьянь мархта нингысяда вишкпегеме тя тевть молеманц и максомс теенза массовый характер.

Аф эрвы кыдомс тя тевть эсь отям молема, эрвы снй тяфта организовандамс, штоба эрь пионерсь казнятнень анокласть луволезе эстиенца почетнай тевкс, штоба сон улель заинтересованнай тьянь марха. Эрвы возглавлядамс тя инициативать станя, штоба 10-це с'ездть эрь пионерсь васфтелезе казнятса.

## РОМЭН РОЛЛАНТИ ТОПОДЬСЬ 70 КИЗОТ

### РОМЭН РОЛЛАНТИ

Швейцария Вильнев, Вилла Ольга

Кельгома ялгай. Роллант!

Тон эрять 70 кизот и пяле сотнись снй эздост прекраснай трудса, конань значенияц неможет марнек оценить минь классовый боень бурнай эпоханьке, сиремирть предсмертной судоргань эпохась, социалистической миронь строителстваса героической работань эпохась. Тонь исторической трудцень оценят ся шитнень, мзярда освобожденнай человечествась варьжаксты действительностть лангс, кося минь эрятама, и шарьхкоцы сонь изумительнай трагической эпосонц. Тя эпость картинаса могучай и яркай фигуракс арай ломаньсь, кося сьормаць эпопея „Жан Кристаф“ и оцю искусствань лама произведенийнень создательсь. Но танингя ни минь моданьконь лангса сембе честнай ломаттненьди тон кельгома ломанят, кельгоматаф аныцек Европаса, но и Индияса, Марокко-са, Америкаса, кельгомат кода поэт, учитель, кода мужество и непоколебимостень пример. Мон гордидакшнень снй мархта, што монь странасонь тонь кельктыдязь особенна седи вакса.

Кемоста люштаса Тонь кядьценя.

Ульхть шумбра, Ромэн Роллан.

М. Горький.

### РОМЭН РОЛЛАНТИ

Минь кельгома ялганьке!

Аш фкявок страна мирса, кося ба од ломаттне тьяшкава кельгомга и мьяль мархта ванольхть тонь творчествоцень лангс, тьяшкава келиста и полнайста сонь мархтонза знакоминдальхть, кода миньценон.

Мировой культурань наследникне, минь мушендтама тонь прекраснай произведениятнень эса тейнек маластонь и родной образ, конат лезнихть советской од ломаттненьди касфтомс эсь эздост эсь родинасонды боецень мужественнай поколения.

Нят од ломаттнень лемста, снй передовой, инголи моли отрядсон од ломанень Ленинской Коммунистической Союзть лемста—минь седи вакса приветствовандакшнень тонь человечествань счастья инкса неустрашимай борецть, ся Од Мирть стражанц, конанц минь строя саськ врагтненьди пельксоньди и сембе расань и сембе нациянь труженикненьди благаньди.

Арьсетама теть бодрость, вийхть и яркай творчествонь эрфонь лама нинге кизот.

ВЛКСМ-нь ЦК-ть секретарец

А. Косарев.

### РОМЭН РОЛЛАНТИ

Швейцария

Тонь 70 кизонь шистот кучайня моньцень инь цебарь пожела-нианень Тейть мировой писательти—художникти, Советской Союзть и сембе миронь трудяйхнен вернай другсонды, войнать каршес, фашизмать и реакциять каршес неутомимай борецти, капиталистической угнетениянь и порабошениянь жертватнень непоколебимай защитниксонды, конань великай лемонц лятфнесазь седи вакса кельгозь фашистской застенкатнень эса томяшайхне Тельманць, Отецкийсь и Людвиг—Ренсь, Грамшись и Терачинись, Ракошись, Антикайненсь, и Ицикавсь и капиталонь странатнень фашизмань и реакциянь лия тьожатть пленникне.

Мон моньшке эрь пингоня лятфнеса глубочайшай признатель-ностень чувстваса ся могучай. влияния, кося нязь германской фашизмать палачензон кядьста монь моньцень эрэфонень ареляман-цы. Тонь благороднай вайгельце лейпцигской процесса обвиняемай коммунистнень арелямасон инкса.

Кемоста люштаса Тонь кядьценя, минь питни ялганке и сембе седиса желандан Тейть шумбра ши, бодрость и вий Тонь сзда тов творческой работасот реакциять, фашизмать и войнать шовда виензон каршес—свободать инкса, мирть инкса культураць инкса, социализмань светлай идеалхнен инкса передовой постса мужествен-найста тюремасот.

Г. Димитров

## НАУКАНЬ АКАДЕМИЯТЬ ЭЗДА РОМЭН РОЛЛАНТИ ПРИВЕТСТВИЯ

Кельгома ялгай!

СССР-ть наукань академияц кучи Тейть эсь почетнай членон-цы Тонь 70-тилетиянь юбилейсот седи ваксонь пар арьсема.

Великай исторической катастрофань кизотнень, мзярда импе-риализмась гразай сембе человечествати гибельса, Тон, минь пинь-гонькен ине культурнай ломанензон йоткста кода фкясь и интел-лигенциять инь цебарь пяльксонц идейнай вождец, решительнайста арать од мирть ширес, СССР-ть ширес, кода грядущай надежда.

Тонь огромнай орудияц; Тонь замечательнай талантцень универсальностец, Тонь глубокай, настоящей человечностьце, Тонь великай совестьце, Тонь социализмат седи вакса служамаце полу-чайхть полнай признания историчеса.

Минь седивакса поздравляндатядязь Тонь, желандатама Теть лама пинкс эряма, тяфтама жа глубокай и плодотворнай, кодама сон улель тя пингс.

СССР-ть Наукань Академияц президиумоц: КАРПИНСКИЙ, КОМАРОВ, КРЫЖАНОВСКИЙ, ГСРБУНОВ, ДЕБОРИН, БРИСКЕ, БУХАРИН, БОРИСЯК, ФРУМКИН.

## АНОКЛАЙХТЬ 10-це С'ЕЗДТИ

Январь 20-це шистонза Рыб-кинань комсомолснь райкомс йотфсь комсортнень мархта со-вешание, коза сашендсть районца сембе комсортне.

Тя васеньце совещаниясь отчет-но-перевыборнай кампанияда меле, 19 одс кочкаф комсортт васенцеда сашендсть тяфтама совещаниясь.

Совещаниять эса кочкафт кафта кизефкт: комсомолонь 10-це с'ездти анокласть колга и политто-нафнемать и ликбезработать сос-тояниясон колга.

Комсортне детальнайста коч-кесзь кизефкт комсомолонь 10-це с'ездти анокласть колга. Тя ки-зефкт колга корхтась 11 комсортт. Кой кося первичнай комсомольской организациятне комсомолонь 10-це с'ездти анокламаса кой-мезе ни-тийсть. В—Никольский организа-цияса панчф средняя образова-

ниянь илядены школа. „Кр. парти-зан“ союзса 20 комсомолецт максихть нормат „Ворошилов-ской стрелоконь“ значеконьди.

Комсомолонь райкомс, райак-тивть эзда кучь 10 комсомолецт велень первичнай организацият-ненди лездомс, комсомолонь 10-це с'ездти анокламаса.

А. Фенин.

## Эрь комсомолецсь сьормадфць журналс

Саранск. Мокиэрзянь рабфакса комсомолонь 10-це с'ездти комсомо-лецне казнятненьди организовандасть „Техника молодежи“ журналонь сьормадфтома. Сьормадфтомась йо-тась сембе группатнень эзга. Ком-сомолецне сьормадфть журнал 6-ковонь и 1 кизонь крвадмос. И. А.



# ОТВАЖНА ИХНЕНЬ РЕКОРДНА И ПОБЕДА СНА

САРАНСКАЙСТА—МОСКУВУ ЛЫЖНОЙ ПОХОДСЬ ВЛКСМ-нь 10-це С'ЕЗДТЬ ЛЕМС

Саранск—Москва переходонь лыжникне приемсот

## Сатфксонь кя рекорднай Лыжной пробегонь командорть Кутин ялгать выступленияц

Минь командань кя эсь инголен-за путсь тяфтама цель, штоба лыжаса и противогазса молема Москву и тя переходть каземс ВЛКСМ-нь 10-це с'ездти. Командась ульсь кочкаф 10-нь ломань-цта, конатнень эзда 8-не комсомол едт, а кафтне ВКП(б)-нь члентт.

С арт минь максом январть 1-це шистонза 12-частса шить. Наряжафт удема лыжной костюмса и мархтонок вещевои мешокт. Планонь конь коряс ульсь арьсеф эрь шити молема 50 километра а фактически минь молема 65—70 километра.

Сембе молема кя ульсь аф-стака, молема сембе дружнайста и организовайнайста.

И тяфта минь молема Москву 11 сутка. Москву пачкодема январть 12-шистонза обедта меля 1-частса.

Москуса минь васьфтемась (встретили) ОАХ-нь центральной советонь председателсь Эйдеман ялгась, ВЦИК-ста представителсь Салмов ялгась, представитель ВСФК-аста лия организациянь эзда.

Омбоце шине кда Эйдеман ялгась теньц тейнек прием, корхтась, што минь переходняк лыжаса и противогазса арси рекорднайк, сяс мес мянь тия Советской Союз-а ниньге ашельхть тяфтама переходт лыжаса и противогазса. Эйдеман ялгась кемоста интересовандась Мордовиянь Осоавиахимовской работат когта.

Эйдеман ялгась минь мархтонок безедаса заключения азоза, што лыжательнень и противогазть использовандаманц трудяй колхозникнень йоткса эряви ладямс, станя, штоба синь эсост владендаль эрь ломаньц.

Омбоце шине удема примаф ВКП(б) нь ЦК-са Макаровскый ялгать мархта. Макаровскый ялгась кемоста интересовандась минь культурнай шиньконь мархта.

Сон ванондозе улихть али аш минь галсуконок, чистайхть-ли панарнеке, кодама книгат лувондтама и стак тов.

Удема примафт „За коммунистическое просвещение“ газетат редакцияса, ученной советса, Свердловт лемса коммунистической институтса, мекпяли удема примафт ВСФК-ть отв. секретаренц. Манцев ялгать мархта.

Манцев ялгати минь азондоськ, што минь республиканонь йосф-сикс кржа физкультурнай инвентарьда. Корхтамоньконь песа сон мярьгс сатомс тяфтама положения, штоба минь республиканьконь обеспечендалезь курокоме эрвикс инвентарьса. Сяконь шовор. Манцев ялгась макссь обещания, што сей курук кучи физкультурнай специалистт.

Тя рекорднай переходть ингса правительства и партия мархта минь казфтяма ЦИК-онь почетнай грамотаса, эрь участниксь именной почетнай оружияса, и именной частса, полной лыжной костюмса.

Сяда башка минь мокшэрзянь ВКП(б) нь обкомсь и правительствась каземась тифтень велосипед-са.



СНИМКАСА: васьне рядса—озалот (кяржи ширьда види шири) Купер ялгась—ВСФК-ть секретарец, Гребенцов ялгась—ВКСХШ-нь ректорсь, Сурдин ялгась—МА-СР-нь ЦИК-ть председателец, Уморин ялгась ВКП(б)-нь обкомть секретарец, Бобков ялгась—Совнаркомть председателец полафтьец, Белоколов ялгась—О.О.Онь республиканской советть председателец, Степкин ялгась—МАССР-нь ПВХО-ть начальникоц.

Омбоце рядса ашихть стята (кяржи ширьда види шири) Звездия ялгась—„Эрзянь коммуна“ газетат редакторон, пробегонь участникне: Иксаркин, Тетюшкин, Аникин, Щебонкин, Гончаров, Сидяков, Иванов (ВЛКСМ-нь обкомть секретарец) Яшин, Миронов, Прончатов и Кутин ялгатне.

## ИНЬ ГЛАВНАИСЬ—ОРГАНИЗОВАННОСТЬСЬ

Командань политрукть ИКСАРКИН ялгать выступленияц

Минь лыжной переходнекя Саранскайста Москву лыжаса и противогазса ульсь пуроптф ленинской комсомольт 10-це с'ездонцты подарканьди. Тя подаркат минь пашкодезь оцю честь мархта, сяс мес эсь переходсонь минь перекрыли сембе рекорднень лыжаса и противогаз-а молема, кочат тиярсь ульсь тийф Советской Союзса.

Тя переходсь ульсь пуроптф монь инициативазень коряс и эряви аф скромничендазь азомс, што монь инициативазе макссь цебарь результатт.

Видеста азомс тя переходсь ульсь стака, вдь 650 километра эривсь йотамс лыжаса и противогазса. Тя оцю и стака задачат успех мархта решандаськ аф сяс мес мон али командирсь Кутин ялгась цебарьхтяма али мазихтяма. Рекорднай переходсь тийф аныцек цебарь организованность и преданность вельдя.

Молема шовор токадькшность тяфтама вастт, коса эрь частть эзда молендемь аныцек 3—4 километр. Аф ваномок нят сембе трудностнень лангс, фкявок ломань участникнень эзда ашель мярьга, што

сон сизесь. Сембе молема перьф ульсь няфтьф преданность, героизма нят сембе трудностнень йотамаснон пингста эрь участниксь содазе, што сон тя переходть мархта емокнесы эсь шумбра шини и аноклай эсь пряни минь родинань конь ареляма мировой империализмат нападениян эзда.

Минь эсь переходнеконь пингста оцю массовой работа йотафтома колхоснень эзда. Вов Куликовка велеса Слобдань района пуромсть перьфканок питай сембе колхозникне, а инь пяк од ломатне и кизефнихть минь переходськонь колга. Тяс минь теест тиеме оцю беседа.

Тяфта-жа Теньгушеваса. Райактивт мархта марса минь тиема вецер, а сяда меле минь командань ломатне сембе кштикшность.

Москуса минь васьфтемась (встретили) цебарьста и каземась почетнай казньеса.

Конешна, нят сатфксень лангс минь сембе аф лоткатама. А тяда меле минь пуропттама (организуем) переход ниньга тяда интереснай. Возможность сяда оцю переходти улихть.

## Опытсь эряви сявомс

Лыжной переходста участникть — комсомолец Сидяков ялгать выступленияц

Минь переходоньке Саранскайста Москву Мордовиянь комсомолт историяса васьнецексь, но сон ули аф остаткась.

Тяни минь инголенок паньчф-тяфтама счастливый и радостнай эряф, што сай молема ков мяльце и мзярда мяльце. Условият танди улихть.

Тя переходть лангс минь аф лоткатама. Тейнек тяни эряви пуроптомс военно физкультурнай работат тяфта, штоба соь эзонза ульхть фатяфат сембе комсомолечне.

Вов Москуса пяк оцю интерес Сталинть лемса паркть эса, коса тийф лыжной станция и ся станция эрь выходнойя пуромкшнихть пяк лама од ломаньда курькснема. Тоса жа на прака максевихть лыжат. Оцю капитальной затратат тя станциясь аф веши, а тийф доскаста.

Минь Саранск ошса и пцтай сембе районнай центральнень эса можем пуроптомс тяфтама лыжной станцият и синь эрвихть пуроптомс.

## Лыжательнень и противогазть тиемс достояниякс эрь од ломаньтти

Пробегонь участникть — комсомолец Прончатов ялгать выступленияц

Тяс лама ялгаг корхтайхть, што переходсь ульсь пяк тьожда. Конешна молема ульсь аф стака, но вдь сондиенза эривсь анокламс, кда минь думондальме тяфтама переходть тиемс апок аноклак, то тя ульсь аф рекорднай переход, а рахсема васта.

Всякай переходти эряви анокламс. Аш меств корхтамс што тя переходсь арси оцю достояниякс Мордовиянь сембе комсомолти, но сон эриви пачфтемс семье од ломатненьди. Минь ниньга лама велеса нльня аф содасазь противогазть, аф содасазь сонь значенианц. Осоавиахимонь организацияньнеди работась эриви ладямс колхозса тяфта, штоба лыжательнень и противогазть ульсь достояниякс сембе колхознай од ломатненьди.

## КАФТА СЬОРМАТ

Ушесь опана и пара. Менельсь сенем, кода эй... Тячи лядьфтань—пак кунара Мархот, Нюра, изьмя няй, Кафта сьормат кучень мельгат. Тоньць мес фкявок аф кучат? Али муть лия ни.. кельгат? Али самазень учат? Мон работан Ленинградса. Эрятьсь—веселя и пара. Ваймосян мон паньчфу садса. Кудсон гайняй од гитара. Мазы Нюрась! Кельгови ялгай! Мон шумбран и вийден лама. Тевсь заводса лаказы лакай, Кафтонь норма тиньдтама.

Шумбрат, Петя, кельгови цьора! Эрятьсь панжи, кода мак. Вов нутама кенерьф сьора. Сяват отпуск—инжикс сак. Бригадиран, васьне рядсан. Тевть тийсаськ минь планда вельф. Якстерь знамять нарьде кядьса. Минь кирьдаськ ни кизонь перьф. Ну, а тяни тоньць кучт сьорма, Сяват отпуск—инжикс сак... Минь нутама кенерьф сьора. Эрятьсь панжи, кода мак.

Г. Ельмеев.



# „Спартак“ обществать победац

Январь 18-19-20-це шинзон эзда васенцеда Саранскайса йотаффт межведомственной лыжной соревнованият комсомолонь областной IV-це конференцият и комсомолонь 10-це с'ездт лемс.

Соревнованиятне организаван-дазнь МАССР-нь ВСФК сь. Соревнованиятне эса участие примать 3 оцю ведомстват: Военведсь, „Динамо“ и „Спартак“ (многопромышленность) сембе участникте ульсь ведомствань 62 инь цебарь лыжникте, сяка лувксса и 21 стирхть и алат.

Соревнованиятне мольсть 3 шит, первенствань сявись лихтевь ань цек 3-це шиня.

3 километрань дистанцият Бу даева ялгась (мольсь аф конкурс) лыжаса ласькозе 21 м. 50 секундта. Омбоцексь финишти сась Во робьевась (Рузавкань „Динамо“ общ.) сон тя дистанцият ласькозе 23 м. 55 сек.

Алатненьди 10 километрань дистанцият васеньцексь финишти сась Стрелков ялгась (Динамоста), 5 м. 6 секундта пиньге мархта, омбоцексь финишти сась Михайлов ялгась (Спартакста), 52 м. 9 с. пиньге мархта.

Алатненьди 5 километрань дистанцият коряс пяк цебарь пиньге няфтьсь Лаптева ялгась (Спартакста), конач 5 километрань дистанцият ласькозе 29 м. 22 секундта, омбоце васть занязе од лыжницась Филимонова ялгась (Спартакста), 33 м. 28 секундта пиньге мархта.

20 километрань дистанцият коряс алатненьди васеньцексь мольсь од лыжниксь (Спартакста) Еришов ялгась, мзярда илядсь финишти 5 километрат, сонь синь девсь лыжанзон эзда креплениясь и сон ульсь вынужден илядомс и васеньцексь сась Дроздов ялгась (Рузавкань „Динамо“ общества). Дроздов ялгась тя дистанцият ласькозе 1 час. 54 минутта пиньге мархта, омбоцексь финишти сась од лыжниксь Чбураев ялгась (Спартакста), 1 час 54 м. 55 сек. пиньге мархта.

Алатненьди и стирхненьди 10 километрань дистанцият 1-це васть занязе Лаптева А. ялгась (Спартакста), тя дистанцият сон тьож даяста йотазе 1 ч. 3 м. 35 сек. пиньге мархта, омбоцексь финишти сась Лужбина ялгась (Спартакста), 1 ч 33 м. 44 сек. пиньге мархта.

50 километрань дистанцият Стартти мольсть 12 ломань, инь цебарь, выносливай од лыжникне. Васеньцексь, кда и учесть финишти сась Михайлов ялгась (Спартакста), 4 ч. 55 м. 55 сек. О м б о ц е к с с ь финишти сась Симоненко ялгась (Динамоста) 5 ч. 19 м. 45 сек. пиньге мархта, колмоцексь финишти сась Сажин ялгась (Военведста), 6 ч. 18 м. 55 сек. пиньге мархта. Общй первенствать сявонь „Спартак“ общества, Общй результат: Спартакт 13 Динамат 8 очкат.

С. С.

## Победителькс лисеть Ламтев и Диалектов ялгатне

Январь 27-це шистонза Саранскайса аделавсь ошень шахматно-шашечной полуфиналсь, конач ульсь организавандаф МАССР-нь ВСФК-ть мархта. Турнирса примать участие 24 инь цебарь шахматистт ошста.

Штоба сяда курок йотафтомс турнирсь, участникте ульсь явфт 2 группав, 12 ломань. Победителькс 1-це группат эса лиссь А. Диалектовсь, 11 возможнай очкатнень эзда кочкась 9 очкат.

Омбоцек вастти лиссь Ивановсь

кочкась 8,5 очкат 11 возможнайхнень эзда.

Колмоце васть занязе Сальников ялгась кочкась 8 очкат 11 возможнайхнень эзда.

Омбоце группаса победителькс лиссь Ламтев ялгась-кочкась 9,5 очкат 11 возможнайхнень эзда

Омбоцекс лиссь Преображенский ялгась, кочкась 8 очкат 11 возможнайхнень эзда. Колмоце васть занязе Васильев ялгась, конач кочкась 7,5 очкат 11 возможнайхнень эзда.

С.

## Костюмированной бал

Инсар (миньценъ спецкоронь-конь эзда). Январь 26-це шистонза Инсарань полнай средняй школы йотаффт костюмированной вечер бал.

70 ученикт наряжафт всякай, ладса костюмса пашкодезь школьной залть.

„Аф йоран тонафнемс, а йоран урвьямс“—ульсь сьормадф Фонвинзонь „Недоросль“ произведениестонза Митрофанушкаты костюмонц ланкса.

Тя оригинальный костюмть арьсезе Булычев Викторсь, 5-це классонь ученик.

Карьмодемко сонь кядезонза, рядсок Митрофанушкаты мархта селой парикса, кругова мольсть кафга маскат: цебарьста щиф стирь и цюря; синь костюмсонды ульсь петфгафт каюдт, коначнень ланкса ульсь сьормадф: фкягь эса „Эямс арьс сяда цебарь“, омбоцеть—„Эямс арьс сяда веселя“. Важнайста якась залть эзга акша халатса медицинский трубка иархта ученик, конач мялеу арамс врачекс.

Советский Союзонь Маршалть костюмсонза ульсь наряжафт 10-це классонь ученик.

Тяса ульсь наряжафт всякай ладса. Народнай костюмса, клас-

сикнень произведениястост герой-ень костюмса и ст. тов.

Кой-кона ученикче ульсь наряжафт ковбоень костюмса.

Тяфтама вечер, од фэрмань самодельностень вече Инсараса йотафтови васенцеда. Тя од формась эсь прянц оправдандазе. Тяфтама цебарь и весела вечеркт иколаса ниньге ашельхть.

Школань ученикнень родительсна ванондсть эсь шабасон лангс и вечера синьге примать живый участие.

Школьной вечерхнень эса тиень-дельхть выступленият финь ученикне, конач прокс выступандакшность, а тяни примать участие пцтай сембе ученикне.

Маскатне кой-кона ученикнень тиезь сяда смелста. Шабатне, конач тя пиньге мзярданга ошеть выступандакшне, а тяни кштитсь, морасть и азондсть дикламацят.

Пак-цебарьста Селинась кштитсь украинской танець, коначтя пиньс-вестеньге изь выступандакшне.

Гармошка вайгельть коряс ученикне кштитсь, морасть, танцовандасть, нелхкесть.

Тяфтама весела вечеркт школась аф меляфты.

Ардов.

## Аделасаськ Осонь 10-це лотерейнай билетнень лангс подписать

Саранск. Январь 23-це шиня гс, Лисенков ялгась—15 цалковай МВКСХШ-нь Осовиахимовь советсь ланс.

Январь 25-це шиньты лама курст, аделазь подписать. Клотьксоньди, колмоце курсонь „Б“ группась, кафга кизонь отделе-ниянь 4-це группась, ня группань сембе студентне сьормадф 10-нь цалковай лангс. Косаркин.

## Клубсь заняф сьороса

Шайгав. Сарга велеса ули цебарь клуб, но сембе сяка аш ко-са од ломатненьди культурнайста йотафтомс стак ащема пингснот, сяс мес клубть потмоц пашксе колхознай сьороса.

Комсомольская организацият клубть колга кизефксь ашезь леденьде мелезонзонга. Сяс и од ломатне йотафнесазь стак ащема пингснот банява ды посиделкава.

Мезе ваныхть районнай организациятне? Садовский.

## Кие ОСО-нь руководительсь?

Зу у. Од—Выселкань колхоза организавандаф ОСО-нь кружок, но тя кружоксь ащи кагод ланкса а теваа кодомовок работа аф йотафчези.

ОСО-нь кружокть руководители кивок лац аф содасы. Конац мзярги Калашниковсь, а конач мзярги илясь.

Кие ина руководительсь? Комсорг отвечае.

Калашникова.

ВИАРД

## ШОВДА ВЕСТА\*)

ПЬЕСА НИЛЕ ДЕЙСТВИЯСА, 6 КАРТИНАСА

Омбоце действиясь

Кеднясь — (Пееди). Мон вирьса вирьгазда и то, алят, аф пелян, а синь ломиньда эводьсть. Мон весть аньцек нежедень Нолгазонь вирь пулоняи и... каршезон кафта вирь гаст... Мон, алят, сразу-бах! фкя стволть эзда, и фкясь, алят, боком! Пилезонза повсь, а омбоцесь вань аф тефт и, алят, ласькозы.. Мон, алят, мельганза!.. (Соньць шра лангста сявсь стакан вина и симозе). И кодак бахадан! омбоце стволть эзда, сон, алят, няренц лангс!.. Кафтске ингольдень пильгонзон сязине сразу!.. А весть, алят, каршезон алашашка офта!.. Сядлазонц лангса нешьке парь канды. Мон, алят, кодак..

Львовсь (Лоткафтозе Кеднять). Тон норак, Герасим, оду азондсак, кода вирьгаснень мархта тюреть и кода синь тонь эздот „ласькозь“

ворьгодькшность.. А тячи тейнек эряви тюремс кафта пильгса вирьгаснень мархта. Тон кода тянь лангс ванат?

Параж Алеша Кедняти нандсь вина.

Кеднясь. — (Сими) Моньдине, алят, сембе сяка, хоть кемгафксу-ва пильгса улеза вирьгазсы!.. Кда эряви?.. (Таргаскескстонза охотниконь пеель). Мон.. туркс тарга а, алят, ваймонц! (Меки кескозонза тонгозе пееленц).

Параж Алеша. — Тонь, Герась, кштите ули?

Кеднясь. — Тонь, Спиридоньч, уленьдэрай, монь, алят, прокс кармай улеца..

Костя. (Параж Алешаньди). Аляй, каяк теенза ванды ункстама кафта.

Паража Алеша. — (Кедняти). Тон, ват, сак ванды сяда шовданяста.

Кеднясь. — Спасибо, Спиридоньч!

Львовсь. — Ну, вот, Герасим, а тячиень пуромксса, лутсазь, штоба

сявомс трудяй ломатнень иляды сьороняснот и сембень вийхца панемс колхозу. Вов и вачеда иляды сембе велес!

Кеднясь. Нет, (Меки таргазе пееленц) Монь, алят, колхозу вийхца аф паньцамак!

Боголюбовсь. — Сувафтядязь, Герасим, вийхца сувафтядязь. Кли ни шкайда аф пелихть, а тонь эздот..

Кеднясь. — Монь?.. Д мон, алят, туркс ваймооснот тарксесайне сембень!.. (Меки прдаза пееленц).

Лвовсь. — Ну, арт ина пуромксу и кодак докладчиксь кармай корхтама колхозу суваматы колга, эряви шум кеподемс!

Кеднясь. — Молян, алят.. Дайте тейне тага фкя стакання?

Параж Алеша наясь Кедняти вина. Параж Алеша. — Аф утятанза, Герасим?

Кеднясь. — Монь?.. Мон, алят, боцька симан и нинге офта лангса ластя ардан!..

Лвовсь. — И мода нумолга аф шагови.. Ну, тифтенянь листьяма. (Майсозе няденц Параж Алешаньди, Костяньди и Кедняти). Костя, надьян тонь лангози!

Костя. — Тийсасык!..

Параж Алеша мархта Боголюбовсь озондыхть. Львовсь тусь,

Боголюбовсь. — Ох, йоню цю-рась, кда аф Сергей Степановичсь, мон юмалень ба!

Параж Алеша. — А тон, бачка, сонь аляни содалить?

Боголюбовсь. — Ну, итоба марс духовнай семинарияса тонафнеме.

Кеднясь. — (Боголюбовти). Тон, алят, попат?

Боголюбовсь. — А—аф, кие теть мзяргь?.. Мон! мон корхтан: Сергей Степановичень алянц, пяк лац содалине..

Кеднясь. — А-а, а мон думол..

Боголюбовсь. — Тейне тожа пинге ни тумс.

Параж Алеша. — Прощай. (Боголюбовсь тусь).

Кеднясь. — Мон, алят, думол ни сон поп..

Костя. — А мес?

Кеднясь. — Попнень, алят, сельмосонга афолине най!

Параж Алеша. — Аф фкат, Герасим, вль попневок..

Кеднясь. — Синь, алят, Спиридоньч, питнесна сембень фкя! Мон Ерманской войнада ингеле аньцек, алят, ка мань тонафнема охотник-кокс.. Якафтонь якафгонь, ши-ши-шка, и мезевок ашень шафт. Саян, алят, шоподеме алга ни, нярезе нолдаф. Пачкодень йомлаши ляй-

(Пец 4-це лопаширеса)

\*) 2-це действият пец. Ушедксот 9—10 МЛБ-са.



## Касфтомс стахановецнень лувксснон

Саранск. Эряви азомс, што котониннай фабрикаса аш нингя савтомашка забота стахановецнень колга. Тяниень пингс аш нингя эрявикс массовый работа работницатнень и рабочафхнень йоткса стахановской методнень азондо маса.

Фабрикаць цехонзон эса улихть стахановкат, конат тевса няфнесазь стахановской методть инь оцю значениянц. Тюрина ялгась ниле машинаста йотась 8 машинас работама. Сонь заработка кассь 10 цалковайста 18 цалковейс шити, норманц тевса пашкодкшнесь 118 процентс.

Тяфта жа, кепетькгоньди работайхть Киселева, Фадеева и лия ялгатне. И вов синь кепотыксснон вальдя и эряви-тиемс стня, штсба улельхть фабрикаса аф башка стахановкат, а стахановской сме-нат, цехт.

Котониннай фабрикаса аш забота нингя сянь колга, штоба стахановкатне и стахановецне эрялхть культурнайста кудса, культурнайста йотафнелезь эсь ваймосема пингснон. Крюков.

## КОМСОМОЛЕЦЬ—КОЛХОЗОНЬ ПРЕДСЕДАТЕЛЬ

Темчикав. М—Козловкань колхозсь улсь сембеда фтала ащи районца эсь хозяйственной тевонзон тиёмаса. Колхозть ашель кувать алашань кардоц, ашельхть утомонза. Алашатне осалхтольхть. Паксянь тефнень тиёмста колхозти лезнесть лия колхозне.

Эряви азомс, што тяфтама калдыаста мольсь колхозть тевон сяс, што калдыаволь сонь инксонза работась ингольдень председателть ширьдя, калдыаволь ся руководи-тельсь.

Апрельста 1935 кизоня колхозникне марстонь пуромксса кочказь председатеькс колхозу комсомолецт Сараскин я гать.

Пуроптомок оцю актив производстваса, марстонь работса, колхозникнень и од лематтнень эзда, Сараскин комсомолецт лад кемок стазень бригадатнень, кепедезя трудонь дисциплинасть. Синьць кол-

хозникне кармась работама активнайста, кепотф мялса. Кафта бригадатнень вастс улсь пуропфт колма бригадат, конат кемокстафтольхть кажнайсь эсь те возост.

Тяни колхозть марнек полафтовсь шамац. Петевсь алашань поголовьясь. Паксянь тевонзон колхозсь урядазень тянда пцтай сембод инголи сембе районца. Алашатненьди тийф цебарь карда, ка сыхть цебарь 10 вшенят. Колхозсь тийсь цебарь утопг и ставтов.

Видет валхне, конат корхтайхть, што комсомолсь ащи разностороннай школак. М—Козловкань колхозть председателец комсомолецт Сараскин ялгась воспитандаф ленинскань комсомолса.

Раянт.

## „ЧЕСТНАЙ“ БОЛТУТТ

Рузаевка. С—Усад велень „Труд“ колхозть правленияц и велень советь колхознай производстваса работаманкса казезь первичнай комсомольской организациять 100 цалковайхть ярмакса, нингя Октябрьской революциять 18-це годовщинастанза торжественнай вечерса. Но казньет комсомольской организациясь тя пингс ашезе получанда.

Колхозонь председателтьс Дуревась и вальсуетонь председателтьс Быковсь комсомолечнень эняльксснон каршес отвечайхть: „пингсь йотась и ярмакневок йотаст эсь кигаст“.

Тяфта „честнай“ болтуттне мазивалонь азондозь васькафтозь первичнай комсомольской организациять.

Ани.

## РЕДАКЦИЯВ САСЬ „ОПРОВЕРЖЕНИЕ“

„Кия мяргозь, што мон ученикть писевонь Мон оонь аяцонь пилотс маргсень“. (Фкя учителень опроверженияста).

Редакцияв сась опровержение. Опровержениять мархта ворафсправкат. Сембе, кода и эряви: ули печать, штамп, подпись.

Но фкя, сембода эрявикась аш опровержениять эса—аш совесть, аш визькс.

„Комсомолец“ юнкорсь декабрьть 25 шистонза „Комсомолонь вайгаль“ газетав сьормады сянь колга, што С.—Маманя велеса Рыбкинань районца комсомольской организациясь и васендакига соньць комсоргсь Сергеевсь, кодамовок работа аф вяти комсомолечнень мархта и аф союзнай од ломаттнень йотксонга. Тя первичнай организациясь марнек юкстаф воспитательнай тевсь—ся тевсь, кона путф комсомолть лангс партиять ширьдя.

Сяс, мес юкстаф тя воспитательнай работась, комсомолечнень и од ломаттнень йоткса С. Маманя велеса нингя кемоста ашихть сирекойхне, привыккатне, и сембода пняк—религиясь, шкаеньди веронда мась.

„Комсомолец“ юнкорсь, штоба шарфтомс Рыбкинань райкомть мяленц тя первичнай комсомольской организациять шири, эзондсь тяфтама факт: комсомольской пуромкст аф эрялхть, комсомолечне аф тонафнихть, нльня газетат аф лувондыхть. Комсомолечне кудсост

кирьдихть „шжайхть“ и озондыхть. Сяда башка, комсоргсь Сергеевсь (учитель) мольсь кумкс омбе комсомолечти (стама жа учительти), штоба истендафтомс церькавса идть.

И вов тянь колга Сергеевсь кучсь справкат вельсоевца, колхозонь правленияста, ВЛКСМ-нь райкомть инструкторонц Автейкинть ширьдя, кона якась тя тевть рас-следовандама.

Сембе справкатне морхтайхть сянь колга, што идсь истендафть церькавса (тя ли аф визькс учительхненьди), кумсь—комсоргсь Сергеевсь, но сон попть пильгс ашезь сюконя, а сюконясь сонь брадоц.

Справкань максыхне, улема арьсихть, што синь марнек тевть видептезь. А лиссь, вль, меке лангт, и повсь оцю конфузс соньць райкомть инструктороц. Райкомсь кучеза сонь тевонь тиёма, комсомольской работать петема, воспитательнай тевть ладяма, а сон мольсь, сьормадсь справка и тусь.

Киньди тянь эзда тьожда? Киньдига аф Сякокс вдь воспитательнай тевсь шаморды.

Редакциясь учи комсоргть Сергеевть ширьдя аф справкат, а цебарь комсомольской работа.

Алексеев.

## „Мезе ваны директорсь?“

Тяфтама заголовка ала улсь макф материал „Комсомолонь вайгаль“ газетаса январьть 3 шиста 1 № са Саранской медтехникумса безобразиятнень колга.

Мокшэрзянь наркомздравсь азондсь, што сембе фактне, конат азфт заметкаса, видет.

Азф фактнень коряс примафтерат:

„Январьть 21 шистонза сембе студентненьди тийф санитарнай

обработка, студенттне сывфтельхть баняс, сембе бельясь и постельхне путфтольхть дезинфекциянь камерас.

Сяда башка наркомздравсь кемокстазя штрафть, конань путоз медтехникумонь работникнень лангс ошень санитарнай комиссиясь обшежитиятнень антисанитариянь состояниясь кирьдеманкса“.

Здравохранениянь комиссарть заместителец ПЕРФИЛОВ.

## ШОВДА ВЕСТА

ПЬЕСА НИЛЕ ДЕЙСТВИЯСА, 6 КАРТИНАСА

Омбоце действиясь

ти, ванан, алят, д тоса сядошка яксярга уеньди... Мон, алят кодак кафтске стволхнень эзда Бахадян! Вак вак-вак-вак! Комзъшка алят, матони! Аньцек каяйне понксонань, поп! алят, монь кие бди фтала. А сон, алят, угадавсь Виселкань попть работникоц и стан... понксфтома вятемань попти...

Костя—Мяляфтса, мяляфтса тон тянь меленьцаса азондкшнитть.

Кедьяньс.—Да-да, мон кармань аваридеме, а попсь корхтай: „и чаво, кли кудсот аш, мезевок, то минь тонафтядязь илякс“... И мезе, алят, думандат? Кошардозе работниконц, а ся дураксь таргазень фкя патронита дронень и салда маразе... А тоса, алят, арафтомазь ужети, кепелезь прязень лангс паразозень и кодак, алят, эсь ружьязень эзда бахадихть... Ой, конашкава марясы! Мяргонь сюлоневок ни пярарьст. Сяда меле, алят, ковшка пярмозень лангс ашень озсели. И тон нинге, Спиридоньч, корхтат пархт попне... Д мон... (Таргазе пеелени). Кда пови поп... туркс ваймонц таргаал...

Костя—Кульхть, Герасим, пингени тумс. Минь стадонга ламос таргаськ...

Кедьяньс.—Ну, аде ина тугама. Прощай, Спиридоньч!

Костя и Медьяньс тусть. Пауза. Параж Алеша кармась шра л-гонц урядама. Сцеать фтала вишке калдорф. Параж Алеша эвдось прафтьс нидь стонза шавя спектак, озонды. Сувась Костярьс.

Костярьс.—А мон мяргонь пятаф потма ширьде.

Параж Алеша.—Ашень кенерь, Костярьс—А коса Костя?

Параж Алеша.—Тусть... А тоста кивок сась?

Костярьс.—Сембе састь... Тусть школав.

Параж Алеша.—Ну ина монга туяни!

Костярьс.—Козонга тон аф туят, ашек кудса, тоньфтомотка тоса сатыхть... А коса Матя?

Параж Алеша.—Да-а... начка пулотнень пели тусь! Тозк удома сявозь...

Костярьс.—Тон арт, атай, яка инксонза. Няфтьк прязень, што кудсат. А мон нардаса шрать лангонц...

Параж Алеша.—Ся, пажалай, виде!

Параж Алеша лиссь. Пауза. Костярьс урядай шрать лангонц. Валхтозень вальмя вельхиснень Сидеста варжикни вальмава.

Костярьс.—(Озонды). Господи, господи... Ангел мой-хранитель мой...

И кодама аньцек пинге сась? Уленьдьярьл ба алязе живой, пади

и воргоделень тя кудстонга... Господи, господи... А-а, д тяда калдыав сембе сяка аф аули!.. (Кармась вастонь адама). Мес бди седиезон сяшкава аф пара... Кати кодама грех ни сасамазь? Господи, господи, (Озонды). Сембе од пи гезе йотась тяфтак сязеньлфста-нозондфста... Господи, господи, богородица дева, пречистай богоматерь... (Озонды).

Сувась Параж Алеша и Матяньс Параж Ал ша.—Мадомани, урьвяня, срхкать?

Костярьс.—Да, атай, мадома.. Матяньс.—Тяряка, ши-шишка коза бди юмсеть...

Костярьс.—Матт, матт, пинге ни мадомс! Ялгатне чей кунаракиге удыхть, а тон сельметнень калепнесайть... Матт!

Матяньс.—Тярай, а тона бокса маряви мизень бди шум... ляценьдихть...

Костярьс.—Матт, матт, кржа ли хулиганда... Чей комсомолечнень тевсна аш и ляценьдихть...

Матяньс.—Тярай, а алязе вирьста сась?

Костярьс.—Аш нинге.

Пауза. Матяньс мадсь.

Параж Алеша.—А весь сяшкава шовда, селме пряхок аф няят.

Костярьс.—Пара ни хоть шовда... Мон мес бди миньценнеть инкса пелян... Пови нинге...

Параж Алеша.—Ну, урьвяня, сон уш аф стама дурак, штоба ингели эиемс...

Костярьс.—Аф иредьста тусь? Параж Алеша.—Аф. (Кармась атам)

Вишьиста сувась Костя.

Костя.—Курокона толсь эряви матомс!.. (Соньць эстокиге кармась каряндьфтеме).

Пауза. И стярьс матозе толть.

Мадсь Костярьс и Костярьсьне Костярьс.—(Шовда кудса). Аше дязь ний?

Костя.—Надьань—аш...

Параж Алеша.—Касюня, кода тоса?

Костя.—Пуромксснон сязеськ...

Костярьс.—А мес тяшкава трнатат?

Костя.—Мон фкяньди тоса каянь...

Костярьс.—Ляцит?

Костя.—Аф.. Пяльса прятть ланга...

Пауза. Калдорфтыхть.

Костярьс.—(Озонды). Ангел мой—хранитель мой... Инксот састь...

Костя.—Ар панк... Мон „удан“...

Пауза. Костярьс лиссь Мархтонза сувась Львовсь и Смириньясь. Костярьс астаниге мадсь. Костярьс ванкс

Костярьс.—Костя! А Костя!..

Стак ломатть састь!.. Милайсь сизесь, тачи ши-шишка вирьсоль..

Костя..

Львась кривьястьсь сардоне. Варжанкстьс иругом. Смириньяське иругом ванць

Львовсь.—Тумя... Тяса сембе удыхть..

Занавес.

Отв. редакторь полафтьес С. С. ЛАРИОНОВ